

Headline	UPM tubuh 12 pusat penyelidikan fakulti	Language	MALAY
Date	06. Aug 2008	Page No	17
Media Title	Berita Harian	Article Size	161 cm²
Section	Pendidikan	Frequency	Daily
Circulation	217920	Color	Full Color
Readership	2083000	AdValue	2854.49



UPM tubuh 12 pusat penyelidikan fakulti

Oleh Khairina Yasin
kayrina@bharian.com.my

DUA belas Pusat Kecemerlangan Penyelidikan Fakulti ditubuhkan Universiti Putra Malaysia (UPM) yang akan memfokuskan kegiatan penyelidikan dalam pelbagai kluster.

Naib Canselor UPM, Prof Datuk Dr Nik Mustapha R Abdullah, berkata penuhan pusat itu antara usaha universiti memperkuuh dan melonjakkan pencapaian prestasi tinggi dalam penyelidikan.

Katanya, penyelidikan dijalankan pusat kecemerlangan itu merangkumi 12 kluster berbeza iaitu keluarga, remaja dan kanak-kanak, penyelidikan penyakit ruminan, hidupan liar, tropical forest airborne observatory.

"Seterusnya, keselamatan makanan, penyelidikan perumahan, kajian pengguna lestar, sains katalisis dan teknologi, forensik alam sekitar, wireless and photonics network research centre, kesihatan hutan tropika, ekologi dan pengurusan hutan serta identiti nasional."

"Dengan adanya pusat kecemerlangan ini, saya percaya hasrat universiti melestarikan kecemerlangan penyelidikan dapat dicapai," katanya pada majlis perasmian Pameran Reka Cipta, Penyelidikan dan Inovasi UPM 2008, di Serdang, baru-baru ini.

Sejumlah 350 produk hasil penyelidikan dan penemuan baru yang berpotensi dikomersialkan dipamerkan pada pameran di Pusat Kebudayaan dan Kesenian Sultan Salahuddin Abdul Aziz Shah.

Nik Mustapha menjelaskan, UPM meletakkan matlamat, strategi dan perancangan jelas bagi mencapai taraf Universiti Apex dan menerajui bidang pertanian tropika baru menjelang 2015.

Katanya, usaha itu secara tidak langsung memerlukan pengembangan usaha di kalangan warga universiti yang menjadi pemimpin kepada kecemerlangan universiti.

"Kita juga perlu bersedia mengubah pemikiran daripada menjadi pengguna kepada pencetus ilmu dan teknologi terkini."

"Malah pencapaian universiti dalam bidang penyelidikan mampu melonjakkan universiti, selain memastikan adanya kesinambungan kepadaan dalam bidang strategik pada masa depan," katanya.